

Lingala - Molimo Bitumba Mikanda ya Nzambe - SW Intro Scriptures

Luka 17:5 Bantoma balobi na Nkolo Yezu: "Moteyi, kolisa bondimi na biso."

Rome 10:17 Boye, bato bakoki kondima kaka soki bayoki sango; pe sango yango euti na maloba ya Kristo.

Luka 11:1 Mokolo moko Yezu azalaki kosambela. Tango asilisi, moyekoli moko alobi na ye: "Mokonzi, lakisa biso kosambela, ndenge Yoane Mobatasi alakisaki bayekoli na ye."

1 Timoté 2:1-4 Likambo ya liboso natindi, yang'oyo: bakristo básambelaka losambo ya ndenge na ndenge, bábondelaka Nzambe pe bapesaka ye mersi po na bato nyonso, 2 po na bakonzi ya bikolo pe bato nyonso oyo bazali kotambwisa biso, po tófanda na boboto pe kimia, bongo tokoka kokumisa Nzambe pe kozala bato ya kokoka. 'Yango ezali malamu pe malonga na miso ya Nzambe Mobikisi na biso; 4 ye nde alingi bato nyonso bábika pe bándima makambo ya solo.

Luka 22:31 "Simon, Simon, yoka! Satan azwi nzela ya komeka bino.

Zakarya 3:1,2 - Yuda 1:9 Nzokande Mishel, mokonzi ya ba-anjelu, asalaka boye té. Tango bazalaká kotiana tembe ná zabolo pe kowela ebembe ya Moize, amekaki kotsiola zabolo té, kasi alobaki na ye boye: "Nkolo ye moko ápesa yo etumbu!"

Efeze 6:12 Makambo bango basalaka na kobombama, ezali soni po na koloba yango.

Efeze 6:10,11 Bóyeba kopona makambo oyo esepelisaka Nkolo. 11 Bósanganaka té ná bato oyo bazali na molili pe basalaka makambo ezangá tina; kasi bóbimisa mabe na bango na miso ya bato nyonso.

Efeze 6:13-17 Kasi ebongi bino bato ya moi bóbimisa yango na miso ya bato; 14 boye moi na bino ekomonisa mabe na bango malamu penza. Yango wana toyembaka boye: "Yo moto olali pongi, lamuka! Longwa na kati ya bato bakufa, pe Kristo akongengisa yo." 15 Bókeba malamu na bizaleli na bino. Bozala lokola bazoba té kasi lokola bato ya mayele. 16 Awa tango ezali nanu, bósalela yango malamu, pamba té mikolo oyo ezali mabe. 17 Boye bozala bazoba té. kasi bóyeba malamu makambo oyo Nkolo Yezu alingaka.

Ba-Ebré - BaEbreo 4:12 Pamba té maloba ya Nzambe ezali na bomoi pe na nguya. Yango eleki kutu mbeli ya etumba oyo ya mino mibale. Maloba yango ekotaká tii na se ya mitema ya bato, pe elakisaka makambo nyonso oyo ebombamá, bongo ebimisaka baposa pe makanisi ya mitema na bango.

Luka 4:8 Yezu azongiseli ye: "Ekómamá na Mikanda: Fukamela Nkolo, Nzambe na yo, pe salela bobele ye moko."

Efeze 6:18 Bólangwa masanga té, soki té bokokóma bato ya mobulu; kasi bótonda na Molimo ya Nzambe.

1 Samuel 17:45-47 - David & Goliath

Luka 10:17-20 Bayekoli 72 bayei kozonga pe bazalaki na esengo mingi, balobi: "Mokonzi, ata milimo mabe ezali kotosa biso po na kombo na yo!" 18 Yezu azongiseli bango: "Namoni Satan alongwe na Likolo, akwei na se lokola kake. 19 Bóyoka! Napesaki bino nguya ya konyata banyoka ná baskorpion, pe kosilisa makasi nyonso ya Monguna. Eloko moko té ekoki kosala bino mabe. 20 Bótika kosepela po milimo mabe ezali kotosa bino, kasi bósepela po Nzambe asi'akómi bakombo na bino na mokanda ya bato na ye."

2 Korente 10:3-5 Ya solo, nazali kaka moto; kasi nabundaka na ndenge ya bomoto té. 4 Bibundeli oyo nasalelaka na bitumba ezali kaka ya bomoto té, kasi ezali ya nguya ya Nzambe. Na yango nde nasilisaka makasi ya banguna, makanisi na bango ya lokuta, 5 pe lofundu nyonso oyo epejisaka bato nzela ya koyeba Nzambe. Na yango pe lisusu nalongaka bato nyonso ya mayele, pe nakómisaka bango baumbu ya Kristo.

Matié - Matayo 16:19 Nakopesa yo bafungola ya mboka ya Nzambe; oyo yo okokanga awa na se, Nzambe pe akokanga yango na Likolo; oyo yo okofungola awa na se, Nzambe pe akofungola yango na Likolo."

2 Timoté 1:7 Tótika kobanga, pamba té tozwi Molimo ya Nzambe; ye apesaká biso nguya, bolingo pe mayele ya kozala ekenge.

Matié - Matayo 12:28,29 Ngai nabenganaka milimo mabe na makasi ya Molimo ya Nzambe; elakisi 'tè Nzambe asi'abandi kotia bokonzi na ye na kati na bino. 29 "Moto oyo alingi kokota na ndako ya elombe po ayiba biloko na ye, asengeli liboso kokanga elombe wana na singa; na sima akoki koyiba biloko na ye nyonso.

Efeze 1:13 Na lisanga na Kristo bino pe boyokaki Sango Malamu, oyo euti na Nzambe pe ezali kosalisa bino po bóbika. Na lisanga na ye bondimaki yango, bongo Nzambe atii bino elembo na ye; ezali Molimo Mosantu oyo alakaki.

Misala 19:6 Polo atielo bango maboko pe Molimo Mosantu akiteli bango. Babandi koloba minoko eyebani té, pe kosakola na nguya ya Molimo.

Marko 16:15-18 Bongo alobi na bango: "Bókende kosakola Sango Malamu na mokili mobimba epai ya bato nyonso. 16/17 Moto oyo akondimela ngai pe akozwa batismo, akobika. Kasi oyo akondimela ngai té, akozwa etumbu. "Bongo bato bakondima bakobanda kosala makamwisi oyo: bakobimisa milimo mabe na kombo na ngai; bakoloba minoko ya sika; 18 soki basimbi

**banyoka na maboko to bameli pwazon, bakoyoka pasi ata moke té;
bakotiela bato oyo bazali na maladi maboko, pe bango bakobika."**

**1 Yoane 1:9 Nzokande, soki tondimi 'tè t osali masumu, Nzambe azali
bosembo, akokisaka maloba na ye; akolimbisa biso masumu nyonso pe
akokómisa biso peto.**

**BanZembo 109:17 Azalaki kobwakela bato lisumá, sik'oyo ézongela ye;
azalaki koboya kosala bato malamu, sik'oyo ye pe ázanga bolamu!**

**Ba-Zuzi 16:16 - 2 Pierre 2:7,8 Kasi abikasaki Lot, moto ya bosembo, oyo
azalaki komona pasi po na bizaleli ya bato wana ya mobulu. 8 Pamba té
moto yango ya bosembo azalaki kofanda na kati na bango, boye abandaki
komona pe koyoka mikolo nyonso makambo ya mabe oyo bazalaki kosala;
bongo akómaki komona motema pasi mingi po na yango.**

**Efeze 4:26 Ata moto asiliki, ásala lisumu té. Ata moto ayoki kanda, ábomba
yango moi mobimba té.**

**Rome 14:12 Boye, moko moko na biso akosamba na miso ya Nzambe po na
makambo na ye moko.**

**1 Yoane 2:23 Pamba té moto oyo awangani Mwana, awangani pe Tata. Moto
oyo andimeli Mwana, andimeli pe Tata.**

**Yoane 14:6 Yezu alobi na bango: "Ngai nazali nzela; oyo alandi ngai akozwa
makambo ya solo pe bomoi. Nzela mosusu ezali té oyo ekendé epai ya
Tata.**

**Matié - Matayo 11:28-30 "Bóya epai na ngai, bino nyonso oyo bozali komona
pasi pe bolembi na mikumba; ngai moto nakosalisa bino po bótoka
kopema. 29 Pamba té nazali moto ya motema malamu pe ya boboto.
Bozala basali na ngai pe bóya kozwa mayele epai na ngai; bongo
bokokoka kofanda na kimia. 30 Kosalela ngai ezali pasi té, pe mokumba
na ngai ezali kilo té."**

**2 Korente 6:2 Po Nzambe alobaki: "Mokolo ezali, nakoyokela bino; mokolo
ezali, nakobikisa bino." Mokolo yango esi'ekoki. Lel'oyo ezali mokolo ya
kobika.**

**Rome 10:13 Ya solo ekómamá boye: "Moto nyonso oyo abondelaka Nkolo,
akobika."**

Esod. - Bim. 20:5 - sin cursed to 3 & 4 generations